

Newspaper	Utusan Malaysia
Date	26 March 2016

## Penduduk Kepala Batas bangga pelantikan Tun Abdullah sebagai Penasihat Petronas

Ulm - 26/3/2016

**KEPALA BATAS 25 Mac** - Penduduk Kepala Batas menerima dengan hati terbuka pelantikan bekas Perdana Menteri, Tun Abdullah Ahmad Badawi sebagai Penasihat Petroliaam Nasional Berhad (Petronas).

Ahli Parlimen Kepala Batas, Datuk Seri Reezal Merican Naina Merican berkata, beliau sendiri menaruh sepenuh keyakinan kepada Tun Abdullah untuk memegang jawatan itu.

Menurutnya, hak melantik Penasihat Petronas terletak pada Perdana Menteri, Datuk Seri Najib Tun Razak hasil perbincangan dengan Kabinet.

"Kami di Kepala Batas menerima dengan hati terbuka dan amat gembira pelantikan Tun Abdullah sebagai Penasihat Petronas berdasarkan pengalamannya selama ini.

"Kita juga yakin individu yang memegang jawatan itu haruslah berpandangan seiring dengan aspirasi kerajaan yang ada sekarang," katanya kepada pemberita selepas ditemui di Kampung Air Melintas Besar, di sini hari ini.

Terdahulu, Reezal Merican menyampaikan rumah yang dibina di bawah projek Baiti Jannati kelolaan Tenaga Nasional Berhad (TNB) Pulau Pinang kepada Mohd. Nazar Abdul Jalil.

Jawatan Penasihat Petronas kosong selepas Kabinet menamat-



REEZAL MERICAN

kan pelantikan Tun Dr. Mahiathir Mohamad pada 11 Mac lalu kerana berpendapat beliau tidak lagi mendukung kerajaan dan sewajarnya tidak lagi memegang sebarang jawatan yang ada kaitan dengan kerajaan.

Dalam pada itu, Mohd. Nazar bersyukur kerana dipilih menerima bantuan

rumah termasuk kelengkapan perabot bernilai RM50,000 itu bagi menggantikan rumah lamanya yang uzur.

Jelasnya, rumah yang didiami sejak 28 tahun lalu telah rosak dimakan anai-anai dan tidak stabil menyebabkan tidak selamat untuk didiami olehnya dan isteri bersama dua anak serta tiga anak saudara yang dijaganya.

Kata Mohd. Nazar, dengan pendapatan sebagai pekebun sayur yang tidak seberapa, dia pasrah untuk tinggal di rumah yang semakin usang itu sebelum ditawarkan bantuan oleh TNB.

"Saya hanya menanam sayur di kampung ini dengan pendapatan tak seberapa, jadi saya amat bersyukur apabila dimaklumkan TNB akan bina rumah baharu untuk saya.

"Kini anak-anak serta anak saudara saya boleh tinggal dengan selesa di rumah yang dilengkapi tiga bilik tidur, ruang tamu yang luas serta dapur yang sempurna ini," ujarnya.